

Maligaliuqti Joe Savikataaq, Minista munariyaqaqtuq Igluit Auladjutikhainnut Akittuutilanggitnik Ihivriuqpagait Katimayiita (URRC mik taivagait), qiniqhiayut ilauyuqhanik Ihivriuqpagainnik Katimayiinni. Nunataqatauhimayut Nunavut Nunataarutaata Angirutaanni uktuqiyut.

URRC kut aktilan'nga ittuq taliqtut havaaqhaitigun ihivriuqpaqhugit akiqhanut, atughaliuqpaqhutik, an'ngiyuniklu havaaqhanut uuktutiqayuktut tuniyauhimayunik Qulliq Auladjutiqhanut Kupuraingganit (QEC). Katimayiit piviqhaqaqtitpaktut ayuit-tianikkut uktuutimik ihivriuqhugit pitquidjutiplitiklu Ministamun munariyaqaqtumun QEC kunnut. Talvani kinggulliit pingahut uki-unggit Katimayiita ihivriuqpagait uktuutunik pidjutivaktunik tamaani Nunavunmi alruyaqtuinnikkut akiqhanut, apqutini qulliqhainnik, nappaktiriyuni nutaanik pauwaqaqviit taaffumiklu pilihaagutumut atuffaaqtaaqtanik Nunavut auladjutivikhainnik.

Katimayiit qiniqhiayut ilaungginnaktunik ayuittiarnahuarnimun ikayugumaplutiklu pidjutihimmaqtunut Nunavutim alruyaqtuivid-jutikkut atugahaniklu. Ilauyut katimayiimi pitquyayut talvainnakmi uktuutikkut ihivriungnirmun unniutivinikkut qanuqtun piyuqhani talvuuna pilut pivalliaavikhanut apikkuutunik pidjutilgit uktuutitut tuniyauhimayunut katimayiimut ilaulutiklu titiraqhi-mayuqhanik tairuaqtaqhamik iniqhimanggittumik ihuaqhaq-tauyuqhamiklu.

Ilauyut Katimayiimi tikkuqaqtauhimayut qauyimattiagungmatta, ayunggittutiklu nalungginnamikkiqlu. Katimayiita pivikhaqaqtut ilih-aqattariamingnik ikayuqtaulutiklu ayuittiaqhimayunit maliq-tauyaaqhainnik amiriiyt taapkuatut kanatami katimayiita maliq-tauyaaqhainnik amiriiyt.

URRC kut niriuqtut taapkuat nutaat ilauyuqhat Katimayiimi imaa piyuqhat:

- Ilihimattiaqlutik nanminiqangnikkut kangiqhimaqattaqhimalutik imaaluunniit ihuagiyayunik atuqpaqhimayainnik takudjutiluni ikayuutauniaqtuq talvuuna Katimayiita aulavikhainnik.
- Piumainnakluni ihivriuriami ihivriuqlugitlu ihumagiyayut ihu-magiyaqhainnik Katimayiita ilaulunilu katimariaqtuqhayuni tingmilutik inuit ilaulutiklu katimaqhamut ilihariaqtuqlutiklunniit.
- Maliklugit Nunavutip ihuilidjutainnut malikkuutainnik.

Iladjutit pingahunik ukiunik kiqliqaqtut. Ilanganni 3 (4) talvani *Auladjutikhainnut Akittuutilanggitnik Ihivriuqpagait Katimayiita Maligaatani*, kinaliqaaq havaktuq kivraqtuipuni tikkuqaqtaulimait-tuq, kivraqtuiluniluunniit ilaukaffuniluunnit talvani, Ihivriuqviinni Katimayiitani. Taapkuatlu havaktiyut Kavamatuqainni, Ukiuqtaqtumi Avikturviinni, Kanatap Avikturviit Nunallaanilu kavamainni.

Ilauyut Katimayiinni katimavaktut katimapkaiqumiklu. Una havaagiyaukaffunggittuq ubluq-tamaanluunniit. Ilauyut pidjutihim-maaqtuqhat katimadjutiqhainnut naunaiyautilgit ilaanilu aullaqlu-tik aullaqviqhaugumik atauhirmun havainirmi. Akiliuhiaqlutik nirid-jutikhamingniklu (tingmigumik katimanikkut) tuniyayut talvuuna Nunavut Maniliqiyunik Titiqiqidjutiliqiyunik Mapiraangutaannit. Piyaaqlutik qagitayakkuurutinik tuhaqtdjutinik uvalu hivayautinik hivayautikkut katimadjutikhainnik piyagiaqaqqat.

Naunaiyattiaqhimayut havaaghait katimayiit piinagialik apikku-taukpat uvaluuniin hamani URRCkut qaritayakkuugutaannut www.urrc.gov.nu.ca

**Uktuutit tuyuqtauyaqhat qaan'ngiqtinngi
Ubluiqtirvia 18, 2020.**

Kangiqhittiarumaguvit takulgugu qaritayakkuugutaat
urrc.gov.nu.ca; titiraqviliqidjutaat qaritayakkut:
URRC@gov.nu.ca

Hivumuuqtiqlugu havaarivaqhimayarnik titiqqat hapkununga:
Nunavut Utility Rates Review Council, c/o Atanguyamun
Aulapkaiyi

P.O. Box 1000, Stn 200 Iqaluit, Nunavut, X0A 0H0
Titiraqvigilugitluunniit qaritayakkut hamunga:URRC@gov.nu.ca